

193. JOHANNIS MILTONI PARADISI AMISSI LIBER PRIMUS EX
Anglicana Lingua in Latinam Conversus. Ⓢ Cantabrigiae, Ex Officina
Jo. Hayes, Celeberrimae Academiae Typographi; Impensis Sam.
Simpson, Bibliopol. Cantab. 1691.

4°.

A—D 4.

8s.

Dedication to Hon. John Montagu, Master of Trinity, signed T.P.

The Translator was Thomas Power, Westminster Scholar, Trinity, 1678,
B.A. 1681, Fellow 1684, M.A. 1685, Lecturer in Mathematics 1691. In the
Library of Trinity College, Cambridge, there is a MS. Latin translation of
books I. to VII.; and in the same Library there is a printed copy of the *Paradise
Lost* (c. 1. 64) with MS. interlinear Latin translation of the last five books. The
handwriting is the same in both volumes.

Thomas Power
of
Trinity College
Cambridge



Apr. 27. 1691.

Imprimatur.

Joh. Covell, Procan. Deput.

Jo. Beaumont.

Jo. Spencer.

Humf. Gower.



N. 22.

Cam. d. 691. 2

Johannis Miltoni
PARADISI AMISSI
Liber Primus
EX
ANGLICANA LINGUA
IN
LATINAM CONVERSUS.




UNIVERSITY
LIBRARY
CAMBRIDGE

CANTABRIGIÆ,
Ex Officina Jo. Hayes, Celeberrimæ Academix Typogra-
phi; Impensis Sam. Simpson, Bibliopol. Cantab. 1691.

Johannis Miltoni
PARADISI AMISSI
Libri Primus
EX
ANGLO-ITALICA LINGUA
IN
LATINAM CONVERSUS.

13-222



CAVAT ARIGIAE
Ex Officina Joh. Innes Colportoris Academicis Typog.
Lond. Impensis Joh. Innes Colportoris Lond. 1800.

NOBILISSIMO
ET
DOCTISSIMO

Viro D^{no} Dⁿⁱ
MOUNTAGU

Collegii Sacrosanctæ & Individuæ
Trinitatis apud CANTABRI-
GIENSES Magistro.

Nobilissime Domine,



ERITORUM in me Tuorum ut
jucunda perceptio, & grata semper
fuit recordatio; ita perdifficilis erit
illa agnitio, quæ cum re congruens &
affectibus nostris, posita sit in honore
verborum. Næ cupienti quidem, & summo perè con-
tendenti liquidò demum constat; quo prouior est
voluntatis vis, & vehementius studium; eo minus à
facundiâ me id posse consequi. Quæ est Tua igitur
singularis humanitas, perturbato & fluctuanti animo
mancam hanc significationem concedes; nec inertiae
tribues, quæ difficultatis est, excusationem. Hanc
sines me Tui spem auferre, qui nullius unquam
justam

justam sefellisti. Nihil enim prius habes, quam ut plurimis, & velis, idem ac possis prodesse: nec beneficiis solum obstrictos tenes; sed honestis beneficiendi modis plenius etiam demereris. Accedet ad hanc meam vocem cumulatam omnium, quibus aliqua tecum necessitudo intercedit, consensus; quorum frequens est cum voluptate sermo, quot & quam magnæ commoditates in nos redundarunt, ex quo præsidere nobis primum coepisti; & utriusque, tum naturæ, tum fortunæ dotibus instructus, natalium splendori literarum decus junxisti. O! præclaram nostram & invidendam sortem, qui autoritate, hortatu, exemplo Tuo in communium studiorum cursu accendimur; cui cum nec industria severioribus studiis frangitur; nec otium politionis inter doctrinæ oblectamenta inutiliter fallitur: insigni nobis utrobique documento es, horas tum in eruditâ voluptate vacuas, tum in opere serias cum fructu collocandi. Meas quidem sæliciter transactas arbitror, si in hoc opusculo tibi humillimè oblato, quod placeat, quicquam fecerim. Cæterum in hoc securus, in vultu, in ore Tui unius acquiesco: & hanc mihi spem illud ratam facit, quod etsi facultate sis acerrimus iudex; voluntate tamen es candidus æstimator.

Sum

Tui in æternum

Observantissimus

T. P.

Benevolo Lectori.



QUI è libris Miltoni popularis nostræ
 duodecim primus est, illum tibi exhi-
 beo, erudite Lector, Latine factum: ut
 jure civitatis, quantum per facultates
 meas liceat, a me donatus, Romanus
 etiam tuo judicio comprobetur. Ut sua enim dictioni
 constet puritas, qua ex usu in hanc rem forent, ea
 ferè omnia è Virgilii & Lucretii sacrariis deprompsi.
 Converti autem non ut interpres, verbum pro verbo
 reddendo; quanquam, ubi id commodè fieri poterat,
 servato Poetico Spiritu feci: sed ad sensum autho-
 ris attentior, ita sententiis ipsius earumque formis
 inhaesi, attemperatis ad Latinam consuetudinem ver-
 bis; ut si cum illo conferar, mea fides spectetur; sin-
 legar solus, ex illius ingenio Poeta sim. In enume-
 ratione idolorum, locorumque in quibus colebantur,
 occurrunt quaedam nomina, quæ sonant duriuscule;
 quorum asperitati utcumque temperavi: ideoque in
 locum Beelzebub suffeci Belum, à communi denomi-
 natione בעל, quod Græci, adjecto Θε, Βήλ Θε: Latini
 Belus vertunt; omisso speciali attributo וכוך: non
 aliâ licentiâ ac Poetæ veteres in operibus suis usi Ce-
 sarem pro Fulio, Augusto, Nerone, indiscriminatim
 posuerunt. Hac sunt qua paucis Te monita velim,
amice.

amice Lector, & spero propemodum fore, ut sequen-
tia citra fastidium languentis animi etiam cum vo-
luptate aliquâ legantur. Ceterum apud Anglos de
Authore verba facere supervacaneum est: Si hæc au-
tem inter externos forsan evagentur, non abs re erit
apponere elogium, quò à Drydeno honestatus est:
quod hexasticho conclusum ita ferè ad verbum è lin-
guâ vernaculâ transtuli.

Tres magnos vario florentes tempore vates
Græcia cum Latio, & terra Britannia tulit.
Grandæ Meoniden; distinguit lenta Maronem
Majestas; noster laudè ab utrâque nitet.
Tendere non ultra valuit natura; priores,
Tertius ut fieret, junxerat ergo duos.

PA.

(1)



PARADISI AMISSI.

LIB. I ^{mus.}

ILLICITOS vetitâ decerptos arbore foetus,
Et patris antiqui noxam, quâ concidit omnis
Progenies, devota alieno crimine morti;
Et sedem amissam; donec dator ille salutis
Morte suâ redimens animas, foelicibus hortis
Addicat puras, & avitâ sede reponat;
Dic Dea, progenies coeli, quæ diceris alto
Aut Sinæ super, aut Horebi vertice, Mofi
Explicuisse suâ nascentem ab origine mundum.
Sin puri Siloæ fontes, & sancta Sionis
Te juga delectent; illinc te in vota vocanti
Da celerès auras, facilèmq; per ardua cursum,
Dum sacra expedio Aoniis incognita Musis.
Tuque adeò, liquidos longè trans ætheris orbes
Qui folio ex alto lustras mortalia corda;
Da sacros penitus rimanti accedere fontes:
Tu pennis tendens vastum per inane, columba
In speciem, eliquisti olim genitalia mundo
B Semina,

Semina, nascenti incumbens vitalibus alis.
 Quod cæcum invalidumque mihi est, tu lumine puro
 Perfundas bonus, & Mauro robore firmes:
 Ut vires opus exæquent, operisque labores,
 Ut genus humanum, nostro de carmine, curam
 Se superum; & coeli leges ac fœdera discat.

Quin primum evolvas tibi se quippe omnia latè
 Per superos coeli tractus, Erebiq; profundos,
 In lucem manifesta ferunt & operata recludunt;)
 Quæ causa immemorèque sui, prolisque futuræ,
 Olim donatos mundi ditione parentes
 Impulit à domino fœdè desciscere? tantum,
 Cui tantum licuit miseris suadere malorum?
 Serpentis dolus ille fuit; fraus illius omnis;
 Qui scelere obtendens speciosum nomen honesti,
 Fœmineos victor sensus, animumque labantem
 Impulit; invidiâ flagrans, & percitus irâ,
 Ex quo læta manus coelo turbavit ab alto
 Dextrâ affectantem supremâ in sede locari.
 Hunc Superum rector, cellâ statione ruentem
 Fulmine corripens, atrâ ni rubinis egit
 In vincula, & fauces flammis urdantis Averni,
 Ausum animis armisque Deum se tollere contra.
 Transierant novies spatia, aequalibus hora
 Quæ lucem noctemque ferunt mortalibus, ex quo
 Vortice contortum piceo, flammisque volurum
 Cœlestis vigor, & virtus defecet: olli
 Sed redit in penam nova vis, agitantque furentem
 Supplicia, æthereique animo obversantur honores,
 Quos demens ultro amisit: tum lumine corvo,
 Testatos immane odium, mentemque superbam,
 Liventes oculorum orbis circum undique torquens,
 Quan-

Quantum animæ possint acie contendere, lustrat
Æterno loca senta situ; flammantia claustra
Carceris horrendi: non illic lumine puro
Fundunt se flammæ undantes, sed luce malignâ
Haud nocti absimiles produnt, oculisque tuentûm
Informes sistunt umbras, & tristia regna:
Quò nunquam alma venit pax hospita; tempore nullo
Infert se requies; aut spes, commune malorum
Perfugium miseris; pœna urget semper, & instans
Exercet fontes animas; adeò ubere tollunt
Se fluctu, flagrantque novato sulfure rivi.
Qui locus, imperio Patris omnipotentis & irâ,
Ter patet in præcepis tantum, tenditque sub umbras,
Extremum quantus cœli suspectus ad axem.
O quàm dissimilis cœli regionibus altis!
Turbidus hic pœnæ socios, super ipse volutus,
Conspicit attonitis animis; lateritque propinquum,
Quo solus prior in superos arma impia sumpsit;
Cuique olim sacros, Beli sub nomine, cultus
Instituit Judæa; huic cœli maximus hostis,
(Cui Satanæ hinc nomen Superi fecere vocantes)
Audaci sermone horrenda silentia rupit.

Tunc ille! heu! qualis facies, quantusque recessit
Frontis honos, Dive ô quondam pulcherrime Divâm?
Tunc ille es, quem pacta meis junxere volentem
Foedera consilii, & spes sociæ addita capris:
Cui laudum communis amor, commune periculum
Audentes in bella manus armavit: at ingens
Nunc traxit pariter mecum, involvitque ruina:
Unde vides ferimur, quo posui; tanta cadentes
Vis urget; nec erat prius ulli cernere, quantæ
Fulminibus viros, quam noxiis arserit ignis,

quidam

B 2

Quam

Quàm sentire datum est: at nec per talia victor,
 Ingeminet licet, aut alia in majora reservet,
 Excutiet mihi me subigens, frangetve premendo.
 Quanquam adeò veteris defluxit gratia formæ,
 Quæ fuerat, mens restat adhuc: & conscia virtus,
 Præmia quæ indignans meritis non æqua rependi,
 Ingentem factis latè in certamine tanto
 Extulit: an bello fusi, coeloque repulsi
 Omnia perdidimus? superest invicta voluntas,
 Immortale odium, & vindictæ sæva cupido.
 Sunt animi indociles flecti, sunt aspera rebus
 Ingenia adversis, & quicquid vincere non est.
 Illud ab hoc animo, indignè tam dira ferenti
 Supplicia, haud unquam metus exprimet, aut rapiet vis,
 Ut prece suppliciter venerans, mandata tyranni
 Accipiam genibus minor; hæc cui dextera sedem
 Imperii, & dubio tremefecit sydera cælo.
 Nulla dies unquam, me nulla prioribus ausis
 Dissimilem arguerit: fas purum criminis hujus
 Hæc tantum cecidisse tenus. Si membra Deorum
 Vivida vis agitet nullis obnoxia fati;
 Si bello experti quantum potuisset in armis
 Victor, & eventu nondum, nec casibus ullis
 Exhausti; redeant recidiva in prælia vires:
 Consiliis rursus turbemus cuncta; nec unquam
 Securo nostri detur regnare Tyranno.

Talia jactanti, talem se voce ferenti, (bant
 Quanquam animum ardentis curæque dolorque coque-
 Belus respondit properè, sic ore loquutus.

O Princeps, cujus spectata potentia cælo
 Inter bellantes animas, atque agmina Divum
 Sub ductu metuenda tuo, quando ipse Tonanti
 Obvius,

Obvius, auderes concurrere cominus armis ;
Et tentare manu, imperium firmaverit illi
Seu casus, seu vis, seu rerum immobilis ordo :
Heu ! nimium eventu mentem concussus iniquo,
Mutatam agnosco sortem ; quæ victor ademit,
Quæ dedit, & quantis impendit fata ruinis.
Funditus usque adedò occidimus ; patimurque quod us-
Exitii, quantum recipit natura Deorum. (quam est
Nam sua vis Divis redit intermissa, nec omnis,
Formæ utcunque decus periit, vigor interit illis.
Si tamen Omnipotens (tali illum nomine dignor
Non aliis nobis se adversum impune tulisset)
Si robur ferus afflictis, viresque reliquit ;
Ut bello imperitet victis, jubeatque per ignes
Impelli, umbrosove capeßere jussa profundo ;
Quid prodest durare animis, dum æterna trahenda
Sæcula per pœnas, semperque renascimur iræ
Ultrici ? increpitans Dæmon cui talibus inest.

Perdite, quam miserum est animis subsidere cuiquam
Vel mala perpeßo vel agenti : quin tibi fixum
Id sedeat, semper recti pervertere fines,
Et bona, quæ cælo veniunt, contendere contra.
Ultimus hic nobis labor est, hic terminus hæret.
In melius si nostra igitur Deus orsa reflectat,
Et mala designata bonos conformet in usus,
Nos bona diversis, nos æquaque vertere iniquis
Obnixi, sic nonnunquam turbemus, ut ille
Proposito cadat, elusus, doleatque cadendo.
Ecce autem belli aligeros iræque ministros
Æthereum cœli victor revocavit ad axem :
Jamque adedò nimboßa & fumida sulfure grando
Desceßit ; & vecta tonitrua fulminis alis

Cessarunt

Celsarunt toto lassata boare profundo.
 Tempora captemus, sive hæc fastidia demum
 Victoris, satiata malis sive ira reliquit.
 Illa (vides) spatio longè porrecta patienti
 Planities informe rigens, & luminis expers,
 Præter quod radiis spargit viventibus ignis
 Horrendum pallens: tendamus protinus illæ,
 Fors ibi solamen nostro requiesque dolori.
 Illic concilio in magno mihi rursus agetur
 Qui vires fractæ refici, vexariet hostis,
 Et poterit vincti fors dura, videbimus illie
 Quid spes ulla ferat, si spes tamen ulla superfit.
 Aut ipsum sperare nihil eorda aspera firmet.

Hæc Satanæ oculos intentans acre micantes,
 Et caput immane attollens; pars cætera magno
 Prona lacu fluitat, spatiosaque jugera tractu
 Metitur, quali Briareus, aut ipse Typhoeus
 Porrigitur, toroque jacens extenditur antro:
 Aut quali, ut nautæ perhibent, mirabile monstrum
 Orca jacer prætenta mari, quam lumina somno
 Claudentem dixit quassata per ætula cymbæ
 Littora tuta putans obscurâ noctis in umbrâ
 Accedit, vastumque latus subit anchora morsu
 Per squamas infixâ, polum dum cæca nigramentem
 Nox operit, lucisque optatos detinet ortus:
 Tali ingens specie Satanæ ingentia fufus
 Membra lacu incubuit, nec vinculis libera rursus
 Gurgite sustulerit, ni capta inferna moventi,
 Atque ultra tendenti odiis Deus ipse dedisset:
 Ut generi humano veniæ concessa facultas,
 Et cœli speratus honos graviora tuenti
 Elicerent tormenta, videret ut omnia ferri

In melius præcepta sibi, tentatâque frustra;
 Multiplicem & lærea, repetito crimine, pœnam.
 Extemplo molem tollit de gurgite vasto
 Arrectam; flammæ undantes hinc inde recedunt,
 Et vallem in medio horrendam, spatiumque relinquunt.
 Arduus ipse volans Erebi nigrantibus auris
 Invehitur, donec librato pondere fertur
 In terram; si terra tamen dicenda fuisset,
 Quæ solidis, æquæ ac liquidis lacus ignibus arsit.
 Atque ea forma soli est, ceu quando concita venti
 Vis iter obstructum erumpens tellure sub imâ
 Aut Siculo succussa revellit saxa Peloro,
 Aut Ætne latus exesum ruit impete magno;
 Viscera, cui labefacta suprema turbine flammam
 Corripiunt sonitu ingenti, masseque recocta
 Spirat odor gravis, atque effundat vortice furus.
 Hæc fonti requies, hæc se vestigia prunâ.
 Improbâ sustentant, sociis quæ pœne secutus,
 Elati simul, ambo animis operum esse suorum
 Se Stygio exetivisse lacu. Tum singula Demon
 Explorans oculis dursus, faciemque, frumque; mox
 Hic locus, hæc (inquit) regio est: hæc nocte malignâ
 Mutandum campos lucentes ætheris: esto:
 Quandoquidem arbitrio sævi victoris eunt res,
 Illius aspectu procerbis: juvat esse sub umbris;
 Quem super æquales solio vis extulit alto.
 Jamque adeo longum valeant foelicia cœli
 Tempa; dehinc Erebi vos ô salvere profundi
 Horrores, salvere meo loca subdita regno;
 Cedite in imperium venienti:
 Quid refert ubi sum, si mens infracta periclis,
 Nec mutata loco, talem me fingere porro
 Perfistat,

Persistat, qualis merui sub luce videri?
 At quanquam fufis duro certamine parva est
 Libertas; non omnipotens hinc moenia struxit,
 Quæ demum invideat, quæ sævis vindicet armis:
 Hinc regni mihi certa fides, sceptroque potiri
 Securo dabitur; solium nigrantis Avernus
 Prætulerim cœlis, ubi durâ lege Tyrannus
 Servili obsequio poscat sua dona rependi.
 Quid tamen immemores sociorum gurgite in atro
 Linquimus attonitos? nec eos ad litus iniquum
 Voce vocamus adhuc? seu sedem hinc figere regnis,
 Sortiriue domos Erebi squalentiaque arva;
 Sive acie instructâ superas assurgere in auras,
 Atque armis tentare iterum qui rector Olympi
 Victores ferat, aut nova nos sub Tartara mittat.

Hæc Satanus: contra Belus, cui talia fatus,
 O qui fulgentes duxisti in prælia turmas
 Etheris, invictas acies, nunc sistat in armis
 Se contra omnipotens; vocem si forte loquentis
 Sæpius auditam duro in Discrimine belli,
 Spem rerum auxiliique olim venerabile signum,
 Si vocem accipiant; non jam reor abfore, quin mox
 Attonitis redeat solita in præcordia virtus:
 Quanquam adeo vis perculerit, miserabile visu,
 Ex tam præcipiti lapsas, penitusque jacentes.

Vix ea finierat, quum nigri rector Avernus
 Ad litus tendebat iter; cui vastus eunti
 A tergo clypeus, solidoque adamante coruscans
 Pendebat, Lunæ similis, quæ nocte serenâ
 Aut Fefole super, aut riguis in vallibus Armi
 Artificis transmissa tubo, montesque, lucosque,
 Et liquidos amnes maculosi detegit orbis.

Dein

Dein hastâ, cui virga foret quæ maxima frondet
Norvegiæ sylvis abies, quamque aëre in alto
Attolli malum sibi poscat regia puppis,
Hastâ per campum ardentem vestigia firmans
Alterna incedit; donec jam littore in ipso
Substitit: hîc socii fluitabant gurgite vasto
Attoniti, Angelicæ formæ, numeroque jacebant
Quot foliis Pater Autumnus marcentibus amnes
In valle umbrosâ sternit; vel littora rubri
Cum ruit Oceani ventis nimbosus Orion,
Fluctibus alga natat summis, Pharaona superbum
Qui cumulo involvère, virôsq; atque arma trahentes
Littus ad ulterius, confusâ strage, tulerunt.
Tam densæ apparent acies, projectaque vulgò
Turba lacu; horrendus quam magnâ voce ciebat
Ductor; eo clamante Erebi domus ima tremiscit:
Reges, bellantes animæ, quæ Marte caduco
Imperium cœli adversis tentâstis in armis;
Tantane vos tenuit longo torpore solutas
Tam secura quies? talem post prælia virtus
Delegit sibi fessa locum succumbere somno?
Aut tam demisso victorem & supplice cultu
Oratis veniam indecores? qui sævus ab alto
Insultat miseris, donec discrimine tanto
Attonitas agiles cœli de parte ministri
Turbine corripiant, & torti fulminis alis
Præcipient; resides quin tandem abruptite somnos,
Surgite, vel segnes volvat, semperque cadentes
Hauriat immenso barathrum ferale profundo.

Erubuere omnes, atque ocyûs agmine facto
Miscentur tractu lato per inania: quales
Excubiæ, licet haud excussæ lumina somno

Stare in procinctu simulant, operique parant se,
 Ex improvviso nè quis cessantibus obstit.
 Nec verò immemores sortis coiere volando
 Innumera, ceu pestis edax & tetra locusta
 Amramidis magni accitu, spirantibus Euris
 In Pharios delata sinus & regna Canopi;
 Aeris in campo piceis exercitus alis
 Exultât, late & coelum ferrugine texit:
 Sic animæ tenuere fugam, stridentia pennis
 Agmina per liquidos ignes circumque, supraque,
 Subter & horrendum crepitantes; maximus ipse
 Dat signum ductor sublata protinus hastâ
 Quo properent; illæ pariter libramine justo
 In sola præcipitant, & inundant æquore toto
 Millia quot nunquam Boreas gelidique Triones
 Cæruleo fudere sinu, quàm barbara Rhenum
 Nunc acies, nunc prædatrix transmitteret Istrum;
 Fusaque diluvii ritu procurreret ultra
 Herculeas Gades Libyæ ad torrentis arenas.
 Continuò lecti proceres ex agmine toto
 Accedunt, stipantque ducem, genus ætheris alti,
 Et formæ facièsque Deum, cœlestibus omnes
 Sublati è solis vitæque volumine; nec jam
 Fama prior lapsis monumenta nec amplius extant,
 Necdum inter gentes titulis clarescere coeptum,
 Nominibusque novis; donec volventibus annis
 Aucta solo soboles; tum late vecta per orbem
 Ex Erebo numerosæ manus (sic fata ferebant)
 Humanas falsâ ludebat imagine mentes;
 Præcipiensque ædytis pæcudum simulachra, nefandâ
 Relligione, Dei sacros prævertit honores.
 Inde sibi quasi hunc honos, & nomina Divum.

Musa

Paradisi Amisii.

II

Musa mihi memora quo nomine quique notati,
Queis primò revocati animi, queis deinde supremò
Excussus somni, Rege inclamante, veterinus,
Et proprius fas ire duci; sine nomine vulgus
Et de plebe animæ sua dum vestigia sistunt,
Observantque procul. Titulis & honore Deorum
Conspicui, quales longo post tempore visi
In terris conferre Deo se, templaque templo
Illius, aræ aras; veriti nec vindicis iram,
Altrâ sustinere Sionis ab arce Tonantem;
Ausi etiam arcanos Domini penetrare recessus,
Inque adytis sua monstra locare, colenda profanis
Ritibus, & puræ tenebras offundere luci.

Primus ibi ante omnes horrenda fronte Molochus
Processit campum in medium, cui victima cordi
Infantum de eade enior, Ichthyæque parentum.
Illi aras Ammon Rabbæ intra mania cultor
Instituit, populi que fuit quibus ultimus Arnon.
Nec contentus eo, Solomonem inflexit ut ædem
In Domini templum sibi rectâ fronte probro
Colle super strueret, ructumque educeret altum,
Quâ sese in vallem inclinat devexior Hinnon,
Inde loco nomen Tophet dictumque Gehennæ.

Proximus huic Chemos, cui vallis florea Sibina,
Aræque Amoræo quondam regnata Seon,
Moabi & Soboles incesta ab origine sanguis
Orgia in obscuro morem celebrare solebant;
Orgia quæ Nilî profugis à litore castrum
Isacidis nocuere; alio ille colentibus idem
Nomine Peor erat, prope lucum aramque Molochi;
Donec Jussu odii atque libidinis ultor
Expulit auctores geminos, Ereboque remisit.

211

C 2

His

His socii, sua contulerunt vestigia, quotquot
 Ashtaroth & Baalim communi nomine dicti;
 Clari olim & culti Euphratis de flumine magno
 Per campos, quâ summa secans, confinia rivus
 Egyptum & Syriam mediis interluit undis;
 Mascula pars, pars foemineas induta figuras.
 Namque animæ faciles (fas quippe volentibus ipsis)
 Membra sibi alterutrum fingunt referentia sexum;
 Iis textura adeo mollis simplexque, nec ullâ
 Carne gravis fluitat, constricta nec ossibus hæret;
 Quin formâ quacunq; libet, seu lucida promit
 Se species, sive obscurâ ferrugine condit.
 Seu tenues densæve, novant sibi protinus artus
 Aerios, odiisque habiles & amoribus aptant.
 His gens Ifacidum nomen mutavit, & aras
 Viventis Domini, quotiesque operata profanis
 Ritibus est, cessit, toties hostilibus armis,
 Et caprum bello posuit caput.

His sese comitem cœli Regina ferebat
 Astarte, tollens sinuosa cornua frontis;
 Cujus ad effigiem per amica silentia, luna
 Sidoniarum solita, alternis cantare puellæ.
 Nec Solymis indicta, probrosi in vertice montis
 Templum illi stabat, Regis molimine magni,
 Quem pulchras uxores Divum simulachra colentes
 Obscenos ritus, & barbara sacra docebant.
 Ponē subit, Thammuz, Syriæ cui more puellæ
 Annua plangebant Libani frondentis in umbra,
 Vulnera, & æstivum, rendebant carmine Solem,
 Nativâ dum rupe fluens pollutus Adonis
 In mare fluxit, agens rivum de cæde quorannis
 Percussit Thammuz: Numeri & mos ille sacrorum

Funereus

Funereus parili incendit Solymitidas igne;
Quarum nocturnos cætus atque Orgia templi
In foribus memorans vates per somnia vidit.

Hunc prope subsequitur Dagon, cultoribus olim.
Ingens opprobrium; quum templi in limine primo
Trunca manus & trunca caput prostrata jaceret
Effigies; monstro species humana bifor-
m. Pube tenuis, pisces subter connectitur inguen-
Templum illi tamen Azotus, pariterque dicavit
Ascalon, & titulis aras & honoribus auxit.

Excipit hunc Rimmon, cui multo thure litatum,
Abbana quâ liquido prælabitur amne Damascum:
Illi stultus Ahaz Syriæ populator opimæ
Obsequio arguitur caput inclinasse pudendo,
Et posuisse aram viventis in æde Jehovah,
Divum iussa, prius quos vicerat ipse, sequutus.

Proxima comparent veteri quæ cognita famæ
Numina, monstra Deum portentaque, qualia demens
Ægyptus coluit; lachrymis quæ sitis Osiris,
Et latrator Anubis, & Isis ora juvenca,
Brutorum omnigenis palantia numina formis.
Nec genus Abrami pestem effugisse nefandam
Fertur, ubi oblato vitulum formavit in auro;
Ductus & exemplo populus sub Rege rebel-
(Heu! cæcas mentes) geminavit crimen, & illum
Finxit in effigiem tondentis prata juvenci,
Qui scelus ulciscens Pharaonis, nocte sub una
Perculerat sobolem, quæ ventrem prima reclusit,
Balantesque Deos.

Ultimus incessit Belial, quo prœrior alter
Non erat in vitium tantæ libidine peccar.
Nulla illi Paro de marmore templa; nec aras

At quibus ille unquam à templis, quibus abfuit aris ?
 Ille etiam penetrans aulas & limina Regum,
 Regifico accumbit luxu, magnasque per urbes
 Victor ovans vehitur ; furit ingens clamor ad auras
 Bacchantum supra tures & testà domorum.
 Præcipue cum nox terris induxerit umbras,
 Tum, Belial, tua progenies per strata viarum
 Huc illuc fusi volitant, totamque pererrant
 In Venerem accensi furiis petulantibus urbem.
 Vos testes vici Sodomæ, & tu conscia facti
 Nox Gibeæ, quum iussa foras, expositaque vulgò
 Majoris noxæ facinus matrona redemit.

Hos sua conspicuos primo facit ordine virtus.
 Qui reliqui durus labor est pereuntes, quanquam
 Insignes latè subeunt Titaniæ pubes,
 Confessi genitos cælo terraque parentes,
 Saturnusque senex, qui pulso fratre, receptum
 Jus regni nato victus transmisit habendum.
 Jupiter hinc folio summi confedit Olympi,
 Aera per medium dominator, & incola sylvæ
 Dodonæ, & utramque Idam ditione tenebat,
 Unà aderat Clariis qui fortibus inclytus Author,
 Et qui Græcorum conclusi finibus, & qui
 Saturni exilio comites trans æquora vecti
 Hesperii extremas legerunt lictoris oras.
 Hi pluresque alii properantes agmine longo
 Se lateri Satanaæ agglomerant, sed lumina prono
 Obtutu ténere solo defixa, nec omnis
 Spes cecidit tamen, & visi fiducia Regis
 Ille licet fixum premit imo corde dolorem
 Contingit veteres fastus mentemque resonat.
 Ille suis animos in tanto turbine rerum

Exacuit

Exacuit dictis, trepidosque hortatibus implet;
Edicitque simul clangentes voce canorâ
Signa tubæ dederint, regale sub æra tollat
Vexillum, magnum magnâ quod mole gerebat
Signifer Azazel: dedit ille volare sub umbras
Seraphicis latè spectandum insigne trophæis,
Vibratùmque manu validâ ceu stella refulsit,
Quæ liquido cinem ducens ardescit in auro;
Martia dum resides animos in bella laceffunt
Accenduntque tubæ.
Tum verò immensus per concava diditus Orci
Undique consurgit clamor, turbataque longè
Et Chaos antiquum, veterisque silentia noctis.
Nec longum tempus decies quin millia furvas
Signa procul fulgent radiis adversa per auras,
Unâ ingens sylvæ species surgentibus hastis
Tollitur, & clypei ardentes galeæque comantes
Confertim vasto se produnt obvia tractu,
Mox instructa phalanx, incessu lenta canentum
Ad numeros molles vestigia fingit eundo.
Tibia multifori ceu quando Dorica buxo
Heroas quondam veteres in bella ciebat;
Non furor illud erat, rabies nec concita cantu,
Sed sibi constantes animi, sedatæque virtus,
Contemptrix lethi, & nullis frangenda periclis;
Visa potens etiam solenni tollere tactu
Et curas, dubiosque metus, tristisque dolores,
Atque ægros lenire animos hominùmque Deorumque,
Hi sua per loca sic fumantia sulphure dulces
Suspensi ad modulos vestigia lenta ferebant;
Et propè paulatim accedunt, jamque agmine primo
Horrida frons, clypeis insignis, & ære corusco,
Sistitur

Sistitur ipsa sub ora ducis, quæque imperet ultra
Expectat.

Ille modo obliquo perstringit singula visu,
Nunc vultus legit adversos, nunc lumine molem
Metitur, formasque notat, numerumque recenset:
Et jam tenta novo surgent præcordia fastu,
Atque iterum tantis se gloria viribus effert.
Nunquam etenim à primâ nascentis origine mundi,
His hominum si contuleris mortalia secla,
Tam validæ coiere acies, tam strenua bello
Corpora, quæ potiore usu vel honore fuissent,
Quam qui trans Indum exiguis bellator in armis
Militiâ insensus volucrum Martemque laceffit.
Non si terrigenam discludat noxia prolem
Phlægra, vel accedant Trojæ sub manibus altis
Utrinque heroes Diis auxiliantibus aucti:
Addideris super his Arthurum in bella ruentem,
Inter Aremericos equites, equitèsque Britannos;
Et crucis & Lunæ adversis cernentia signis,
Qualia mendaces finxerunt agmina Mystæ;
Et Lybiam Europæ immissam, belloque frementem,
Quum Caroli magni procures Maurusia, & ipsum
Gens Carolum victrix ingenti clade cecidit.
Tam longè hæc hominum superabant agmina vires
Qui fuerint & erunt; utcunque fidelibus ultro
Obsequiis devota duci: stetit ille tremendâ
Fronte minax, sociosque omnes, ceu turris ad auras
Arduus exuperât capite & cervicibus altis.
Nec dum fyderei penitus defluxerat oris
Gratia, nativumque decus, vestigia formæ
Pauca manent veteris languentia; debile Titan
Nubibus infractus ceu lumen ab æthere fundit;

Lunative

Lunarive globo obversus vix luce laborat
Exiguâ, & reges, & regum territat urbes.
Sic sua præ reliquis fulgebat gloria magno
Offuscata Duci, at faciem fulcaverat altè
Fulmen ab adverso, marcentibus atrâque sedit
Cura genis; non ille animos tamen ille priores
Exiit, aut cecidit sua nota superbia victo.
Quin oculi crudele adeò torvumque tuentes
Multum etiam miserantis habent, multumque dolentis.
Tot socios captorum operum, tot millia Divum
Squalentum tenebris, & cœli luce carentum
Ipsius ob noxam tantas persolvere pœnas;
At sibi adhuc fidos animis & pectore firmos.
Quales in sylvis quercus, vel montibus altis
Aeriæ pinus, si cœli tangeret ignis,
Marcent exutæ frondes, sylvæque comantis
Luxuriam, at steriles duro stant robore trunci,
Et cœlo capita alta ferunt. Jam farier orso
Hinc atque hinc à dextrâ acies lævæque refusæ,
Intentantque oculos, arrectisque auribus astant
Ter conatus erat, toties, fastidia quanquam
Obstiterint, lachrymæ, quales fas fundere Divis,
Nolenti expressæ; magno tamen ultima nisu
Cum gemitu indignans graviter sic ora resolvit.

O Animæ, ô vitæ Divum! certamine belli
Inviçtæ, ni se Omnipotens contra inferat armis:
Nec tamen indecores pugna certavimus istâ,
Infelix quanquam tulit exitus atria cœli,
Mutavitque locum profugis: heu dira Deorum
Exilia? at quæ vis animi præsaga futuri,
Si retro observata legens ex ordine versat,
Stantibus his belli casum timuisset acerbum?

D

Et

Et quis adhuc dubitet post damna exhausta, valere
 Tot bello:um animas reveli nitentibus alis
 Sponte suâ, & patrio rursùm succedere cœlo?
 Vos mecum, genus æthereum, vos, ultima passi,
 Unamines testor socios, num tempore in ullo,
 Consiliove manu ve bonis communibus author
 Defuerim; sed qui superùm se jactat in aulâ
 Supremum, securus erat, seu fama vetusti
 Nominis id dederit, populi seu fœdere pacto
 Consensisset amor; tum latè regia fusa est
 Pompa, sed occultæ vires, nec nota potestas:
 Illud erat quod nos infausta in prælia adegit.
 Hinc frustra experti poterat quæ vivida virtus,
 Non adeò expedit rem puro credere Marti,
 Et solâ sœvire manu; solertia sortem
 Mutet, & edoceat lætum sperare recursum,
 Ingenio tradente modos artêmque nocendi.
 Quod sciat ille meus, qui me sibi sentiet hostem
 Nec fractum, nec dimidiâ jam parte minorem.
 Forsitan & plures se dudum evolvere mundi
 Immenso è spatio incipiant (si verâ tulisset
 Quæ modò fama tulit superum vulgata per axem)
 Quò nova progenies, titulis dignata superbis
 In nostri invidiam, cœlestibus æmula natis
 Floreret: quàm primùm illac irumpere certum est
 Quà datur; haud etenim longum tot ab æthere formæ
 Claudentur tenebris & opaco carcere noctis.
 At formanda prius venientium exorsa laborum
 Concilio in magno: spes omnis pacis adempta est;
 Quippe quis inflexo veniam oret poplite? bellum
 Infidiis tectis vel aperto Marte gerendum.
 Dixit, & ut rata verba forent, fulgentia stringunt

Tela animæ clypeisque strepunt; idem omnibus ardor
Se cupidè ulcisci, bella, impia bella minantur
In coelum, fremituque Erebi spatia ampla tremiscunt
Collis erat juxta, cui vertice plurimus ignis
Undabat fumo medius; porrigine lævi
Obsita squalabant circum latera alta, latentis
Indice non dubio prodentia signa metalli.
Illac se properè manus instrumenta laborum
Expediens tulerat; ceu quando operosa relictis
Turba fuit castris, durisque ligonibus instat,
Seu vallo munire viam, seu ducere fossam.
Dux operis Mammon, quo non abjectior alter
Sordidiorve animi cœlo turbatus ab alto est.
Namque ibi non illi obtulerat sua gaudia quondam
Visa Dei facies, sed fixus lumina pronò
Obtutu hærebat, visoque stupebat in auro.
Quo monstrante viam defossæ in viscera terræ
Itum est humano generi, pretiosaque rixæ
Semina deprensas primùm emicuere latebris,
Et jam turba frequens penetrârat in intima collis,
Atque humeris subnixa ingens evexerat aurum.
Ne quis ab infernâ miretur origine nasci,
Nam natura parens causam pretiûmque malorum
Abdiderat penitus, Stygio & damnaverat Orco.
Hic sua ne Babylon, sua ne miracula Memphis
Tot Regum mihi jactet opus; quæ maxima famæ
Impendunt monumenta viri, condentibus ipsis
Vix populi labor efficiat, vix secula longo
Educant tractu; sed & his majora malignæ
Dant effecta animæ spatio non amplius horæ.
Haud procul hinc campus quâ se subducere colli
Incipit, in cellis ad talia ritè paratis,

Altera pars liquidum de gurgite, per loca subter
 Concava, derivans venis ardentibus ignem,
 Corpora splendentis massæ concreta resolvit;
 Distinguitque suo species quæ cuique metallo.
 Altera pars variis eadem liquefacta figuris
 Quamlibet in faciem rerum decurrere cogit,
 Inducitque; ingens mox edita fertur ad auras
 (Ceum marutini, vix orto Sole, vapores;)
 Fabrica, & ad strepitum citharæ, & discrimina vocum,
 In templi speciem summa ad fastigia surgit.
 Stant duplici versu supraque infraque columnæ
 Complexæ medios, sinuosis flexibus, arcus;
 Auro omnes folido innexæ; laqueata renident
 Testa auro: non hæc opulenta Ægyptus, & ingens
 Assyria æquarint cultu, seu Regibus aulam
 Utraque certando, seu Divis struxerit ædem.
 Mox valvæ bifores operoso ex ære reclusæ
 Transmittunt spatium longè latèque patenti
 Læve pavementum, manifestâ luce, videndum.
 Nam dispositi intus sua per discrimina lychni,
 Asphalto saturi, atque aucti per pingua Naphthæ
 Pabula, se extulerant vix cœli luce minores.
 Unâ omnes mirantur opus, mirantur & ipsum
 Laudant artificem; nec cœlo nullius ante
 Nominis ille fuit, quo structa palatia vasto
 Spectu excepere sua intra lumina Reges
 Cœlicolas, Pater omnipotens quis sceptrâ dedisset
 Ferre manu, & superos regere ad sua jura volentes.
 Ille idem & Graiis, Italis & cognitus oris
 Mulciber, (hoc homines nomen fecere vocantes)
 A Jove qui quondam, ut perhibent, correptus, & extra
 Projectus validè chrySTALLINA mœnia cœli,

Per spatium revolutus erat, quo flectitur orbem
Phœbus in occiduum æstivo progressus ab ortu;
Nec requiem prius invenit, quam parva cadentem
Lemnos in Ægeo, gremio fumante, recepit.
Sic memorant falsò veterum commenta virorum;
Nam longè prius exul erat, nec profuit olli
Tot manuum posuisse olim monumenta suarum;
Quum socios præceps inter turbamque rebellem
Corruit, ad Stygii flammæ damnatus Averni;
Gnarus ubi solitas non fecius excolit artes.

Interea aligeri Præcones iussa sequuti
Imperiũque Ducis magni, clangore tubarum
Concilium solenne vocant de rebus habendum,
Quà Pandæmonium sese effert, ardua sedes
Regnantis Satanae; studio de more vocari
Ductores Proceresque ruunt, comitantibus ultro
Quemque suis; & jam portæ, jam obsessa tenentur
Limina, conciliique aditus; undantibus aula
Præcipuè fremit, & resonat stridore volantum.
Ac veluti, cùm vere novo Sol commoda signans
Tempora, Sidonii ingreditur confinia Tauri,
Fundit apum populosa acies se roscida circum
Prata, vel in lævi tabulâ, pro mænibus urbis
Stramineæ, trepidæ rerum, cautæque futuri,
Prospectant animo venientis casibus anni:
Non alia est turbæ aeris volitantis imago:
Tot numero coeunt, tam denso examine fervent,
Impediuntque viam; donec, mirabile visu!
Quot prius extentâ superabant mole Gigantes
Terrigenas, minui extemplò, jam jamque videri
Pygmæis similes, aut pumilionibus istis,
Quorum nocturnos lusus viridaria propter

Forte

Forte dæmum referens multâ se nocte colonus
Aut vider, aut vidisse putat, dum pallida sensim
Cynthia fertur equis labens, terræque propinquat.
Illi saltando pariter, pariterque canendo
Exæquant nocti lusus, pariterque tuenti
Exultat, mistâque tremat formidine pectus.
Haud secus immensas vitæ sine corpore formas
Arctantes tenuant, spatio & brevior feruntur
Aulæ in medio innumeræ: at domus intima longè
Tollentes sese, quam vasta est, mole recepit
Seraphicos proceres, solitos de rebus agendis
Consulere, & varios bellorum expendere casus.
Mille adeò Divûm species penetralibus aureis
Confertæ, breviter post facta silentia tectis,
Maturare parant pleno consulta Senatu.

FINIS.

15
5
78
244